

3 JUAN

3 Juandih jwí túi beh joyát pínah naáwát

¿Déhe tiguaá daacnji? Jon játih Jesúhwa maáta “Juan, Jesús chah á oini, á bohéni, á naáwát tútniji nin núodih át daacáp tají”, ít níj naáwáp wut jī. Caanjéh muntih San Juan, 1 Juan, 2 Juan, Apocalipsisdihbut daacni át jumap wut jī.

¿Déhedih át daacji? Nin núodih á chéen Gayo wut jumni, Jesúsdih jéihnidih Juan át daác wahap tají. (1.1-2)

¿Dedmant, débólih cah, át daacji? Chah jéihnít “Juan á jwíih daacni núodih á daacát táttimahbit, jópchi 85—95 (Jesús á wənat táttimah 52—62 jópchi táttimah) nin núodihbut át daác wahap wut jī”, í níj jenah joiná caá.

¿Dedé pínah tiguaá át daacji? Bíic Jesúhwa waóhni, Diótrefes wut jumni, Jesúh doonádih Juan á naóh jibat tútnitdih wēi jwāáhcan, bita Jesúhwardihbut queétdih át wēi jwāáat tútcap wut jī. Pánihna, Gayo queé á naóh jibat tútnitdih á túi wēi jwāáatdih wēi naóhnit, Diótrefes yeejép á chájatdihbut át naáwáp tají. Juanjeh Gayo pebhna á bejat pínah jenah joyátidihbut át naáwáp tají.

Ded pah 3 Juan á jummat:

1. Gayodih á túyat tútat (vs. 1)
2. Caandih á wēi naáwát (vs. 2-8)
3. Diótrefesdih á jūih naáwát (vs. 9-10)
4. Gayodih á wutat (vs. 11)
5. Demetriadih á wēi naáwát (vs. 12)
6. Á péé naáwát (vs. 13-15)

Gayodih át túyat tútat

¹Weém Juan, Jesúhwardih waóhni, meém Gayo, búdí wá oinidih nin núodih wá daác wahna caá.*

²Wá dée panihni, wá oini, Dios bíicdih ma túi jummatdih wá jéihna caá. Caán bíicdih ma túi jummat pah, ma túi yapat pínah, míih bácahbut á túi jummat pínahdihbut meemdíh wá wábhna caá.

³Biquína Jesúhwa wá pebhna junít, ded pah ma jummat doonádih jwiítdih í naáwáp be. “Cristo á náahat pahjeh Gayo yooópdih ápi chájna caá”, í níj naáwáp be. Páant í níjchah joinít, búdí wá weñep be.* ⁴Det wá bohénit, wá weh panihnit, Dios á náahat pahjeh í túi chájat doonádih joinít, búdí wápi wéina caá.

⁵Wá chéen, wá oini, Jesúh doonádih bohé jibnitdih ma jéihca naáhwá í jumuchah yuhna, ma teo wáacachah, á

túina caá. Pánih teo wáacna, jwí Maáh Jesúsdih yooópdih jepahni ma jumna caá. ⁶Biquína queé bohé jibnit jwí pebhna junít, jwiít Jesúhwa jwí míic wáacachah, “Gayo jwiít Jesúhwardih á túi oina caá”, jwiítdih í níj jī. Pánihna, ma pebhna í jwáub juibínachah, queétdih búdí ma teo wáacá, bohé péanit, í túi jwáub jib bejat pínah níjina. Páant míic teo wáacatdih Dios áihwádih á náah yacna caá. ⁷Queé Jesúh túini doonádih bohé jib bejna, Diosdih jéihcannitboó í teo wáacat pínahdih ípi náahcan caá. ⁸Pánihna, jwiít Jesúhwardi boó queétdih wēi jwāáhnit, jwí teo wáacat dée caá. Pánih teo wáacna, queé bíicdih jwiítbut Dios yooópdih á naáwátidih bitadih jwí jéihyana caá.

Diótrefes yeejép á chájat

⁹Caanjíh moón Jesúhwardih wá daác wahap yuh be. Obohjeéhtih, páant wá

* 1 Hch 19:29; Ro 16:23; 1Co 1.14 * 3 2 Jn 4

daacáchah yuhna, Diótrefes wūt jumni, caanjéh wutni jumfna, weemdíh át jepahcap wut be. ¹⁰Pánihna, ñi pebhna wā juibínachah, ded pah ā chājatjidih yeéb Jesúfhwādh wā naóh beedábipna caá. Weemdíh yeejép āpí naóh yacna caá. Chah yeejépbuť āpí chājna caá. Jesúfhwā áih túini doonádh naóh jibnitdh wēi jwāáhcan, áih meemdíh āpí waadát túutcan caá. Bitá caanjíh moón Jesúfhwāboó bohé jibnitdh ī wēi jwāáhchah ennit, caánboó “Queét bohé jibnitdh ñi wēi jwāáhca bojoó”, āpí níj wutna caá. “Queétdih ñi wēi jwāáat jīb jwíť Jesúfhwā jwí míc wáacapoó ñi jwáub waadca bojoó”, āpí níjna caá.

¹¹Wā oini, det yeejép wā ī chājat pah chājcanjeh, túi chājnitboodíh ma en yacaá. Túi chājnit Diofhwā ī jumna caá. Obohjehtih, yeejép chājnitboó Diosdh jéhcannit ī jumna caá.*

Demetrio ā túi chājat

¹²Demetrio wūt jumniboodíh nihát cáacwā ī túi wéhena caá. Dios ā náahat pah ā túi chājatdh enna, túini ā jumatdh ñi jéihna caá. Weembút caandíh páant tigaá wā níjíp. Páant wā níjít yoobópdih ā jumatdh ñi jéihna caá.

Ā naóh péaat

¹³Meemdíh chah naáwíhna yuhna, caandíh wā daáqufhcan caá. ¹⁴Waícanjeh meemdíh enedih wā bejíhna caá. Caanná juibínit, meemdíh wā míc wéhebpna caá.*

¹⁵Dios meemdíh ā teo wáaca naáh, ma túi jumát pínah níjna. Nínjíl jumnit jwí chéenwábut meemdíh ī túyat túutna caá. Caanjíh moón jwí chéenwā nihát ī túyā naáh.

Páant bóojeh tigaá wā naáwát.
Juan